



Diabierna 24 Januari 2014 - Edicion-8 Vol.19312
Sta. Cruz #110 Tel: 585-9500 Fax:585-0951 - E-mail: solodipueblo@gmail.com

1.50

AWE ABOGADO WIX LO ENTREGA E OFERTA DI RETIRO, "PACKAGE" NA EMPLEADONAN DI WESTIN

Empleadonan di Riu a haya promesa cu nan mag transfer pa Westin



BETICO, NOS LIBERTADOR, ARQUITECTO Y REALIZADOR DI NOS STATUS APARTE

*SPECIAL PA DIA DI BETICO 25 Januari
Urataka Goes Super Crioyo*

UC
URATAKA GOES SUPER CRIYO
PAPAYA STOBA CU BESTIA CHIKITO
BANANA STOBA CU RABO, LENGA STOBA SOPPI
BESTIA CHIKITO, SOPPI MONDONGO

Tur plato lo wordo sirbi cu Funchi of Pan Bati

& Banana

Tambe lo tin BOYO DI MAISHI RABO - DRIGIDEK

-PANDUSHI

OTMAR ODUBER NO A PRESENTA DEN PARLAMENTO PA TRATA E CIERE DI WESTIN

Segun Marisol, Otmar ta malo?

DEA vigilando baronnan di droga na Aruba

Candela un biaha mas ta destrui un cas den Seroe Patrishi



FRACCION DI MEP:
MINISTER PAUL CROES A BISA CU WESTIN NO POR RETIRA NINGUN TRAHADOR

Aruba Softball Bond hunto cu Royal Power y HEINEKEN ta presenta

Champs of the Champs 2014 "The 8th Edition" 30 Juni - 6 Juli 2014

10 equipo internacional CONFIRMA!!!!!! Delegacionnan di mas di 500 persona
Competencia halto nivel den combinacion cu un ambiente unico!! Keda Pendiente.

Betico Croes, Libertador di Aruba

Betico Croes, un luchador incansabel pa Aruba



Pa conta bida di Gilberto François Croes un hende mester skirbi bukinan yen. E bida politico di Betico Croes tabata un lucha sin fin. Un epoca di lucha den cual Aruba a bataya pa sali for di bao di e sombra di CORSOU. Un epoca cu a conoce su climax ora cu politiconan Arubano, bao di liderazgo di Betico Croes a logra obtene e status aparte pa Aruba. Un homber senciyo, sali for di un famia humilde, bibando na Santa Cruz. Betico A bay school basico na Sta. Cruz na Colegio San Hose unda el'a traha tambe dia cu el'a bolbe di Hulanda como maestro di school.. Despues di su estudio na Hulanda, Betico Croes a para dilanti di klas y despues a keda apunta como dirigente di school. For di su hubentud caba tabata visto cu Betico tabata posee e don pa duna liderazgo. Semper bay e tabata tuma e iniciativa ora cu mester organiza algo. Keda traha na un school a lo largo no tabata suficiente pa Betico Croes. E tabata kier ta significa mas pa su pueblo, pa su pais. Ni su otro tantisimo actividadnan ariba tereno di musica y deporte tabata suficiente pa su persona. E ta scoge pa politica. Na aña 1967 Betico Croes ta bira miembro di e partido Arubaanse Volkspartij



(AVP). Dentro di algun luna e ta keda eligi como miembro di Eilandraad, y ta bira Diputado di Enseñanza. Un periodo politico masha turbulentu ta cuminsa. Na Corsou un huelga general ta resulta den un lantamiento dia 30 di Mei 1969, y ehercito Hulandes mester a interveni. Tambe na Aruba cosnan tabata inquieto, pero tras di porta cerá. Lidernan di Bario a eligi Betico Croes como Lider di Partido, pero un lucha interno pa poder dentro di e partido a pone cu Betico Croes a bandona AVP. E ta tuma e decision pa lanta su mesun partido, y asina Movimiento Electoral di Pueblo (MEP) ta nace, y Betico Croes te na su morto na aña 1986 ta duna un liderazgo excelente na su partido, cu a bira e partido



mas grandi di Aruba.

Ta sigui na pagina 17-18

Candela un biaha mas ta destrui un cas den Seroe Patrishi



Diahuebs madruga algo prome cu 1'or alarma a wordo batí pa un cas na candela. Esakitabatana Seroe Patrishi 274. Brandweer mes ora a sali pa e adres. Na yegada bisiñanan tabata purba na combati e candela cu slang di muha mata. Brandweer den algun minuut a domina e candela cu tabata mustra cu a concentra parti ariba. Polis tambe a yega despues di un rato. Ambulance a wordo pidi pa e familia. Parce e huma lo por a afectanan y esun afecta a wordo transporta pa hospital. Rode Kruis a wordo pidi pa busca shelter pa e familia, mirando cu nan a cas a sufri basta daño. Aparentemente un corto circuito di un fan lo por tabata e causa. Algun dia atras por a corda cu un caya banda di pariba tambe a kima y familia a perde tur cos. E biaha ey lo tabata un kerstboom cu a ocasiona e candela.



Experience that counts.



HCC
SINCE 1968
Accounting & Advisory
Tax & Legal

Betico:

Nos Libertador
E Arquitecto y Realizador di nos Status Aparte

Pabien Aruba!

BABA HERDE, LIDER DI FRACCION DI AVP A FALTA RESPET PA TRAHADORNAN DI WESTIN

Bba a briya cu su ausencia!



Diahuebs atardi Parlamento a trata e tema di Westin Hotel. Lider di fraccion di AVP drs. Baba Herde a briya cu su ausencia na e reunion aki. E reunion tabata di indole informativo y minister Paul Croes a duna hopi informacion al respecto. Sinembargo e lider di fraccion berde, Baba Herde mes no tabata tey. E fraccion berde tabata masha zwak representa y nan a hasi masha poco pregunta. Mayoria a ripiti e preguntanan cu MEP a haci. Ta un

hecho cu desde cu Juan David Yrausquin y Paul Croes a sali di parlamento, e fraccion di AVP ta hopi zwak. Hopi gritamento y decibel, pero poco di contenido. E dos parlamentarionan nobo Jeffrey Kelly y Jennifer Arends-Reyes tampoco ta laga tende mucho di nan, cu excepcion ora mester chercha di oponentenan ta haci sonido di porco. Cu su ausencia Baba Herde a manda un mensage cu trahadornan di Westin no tin su atencion?

PUEBLO A HAÑA SU PEN BEK

Pa kualquier informacion
solodipueblo@gmail.com
of
585-9500

Adictonan ta keda causa problema den centro di ciudad Nada no a cambia



Diahuebs varios polis a bay Hendrikstraat pa un problema di un Chines cu un adicto. Altura di KFC patruya a ripara cu e adicto lo tabata haciendo basta fastioso. Nan a bay dal un vuelta y a topa un meneer Chines na careda tras di e adicto cu un baseball bat. Polis mesora a bay intermedia y a puntra e Chines kico a pasa. Aparentemente e adicto lo a haya un mal trip y a dal e Chines. Mesora polis a detene y pone arriba vloer. Transportwagen a presenta y a hiba pa di un di tantissimo biahanan pa warda. Diabierna e ta afor bek, haciendo mes of mas fastioso ainda. Adictonan mester ayudo di berdad.



SPECIAL

- Haci tiña y blow y haya tratamiento gratis
- haci tiña cu blower y haya corte gratis
- haci manicure cu pedicure y haya parafina gratis
- massage pa 60,-

CARNIVAL SPECIAL

- haci peinado cu make up y haya 20% di descuento
- haci make up cu pestaña y haya 20% di descuento

Kids special

- haci peinado cu make up pa carnaval y haya 15% di descuento

Pasa na Noord 82A Tel: 586-7272

Fortune & Feng Shui
review for the year of

Wood Horse 2014 
Saturday, February 8th, 2014

TICKETS
Afl. 85,00

including your Animal Sign book

Join me at Cas di Cultura from 1:00pm until 4:00pm | For reservation call 741.83.00 or visit Zoutmanstraat #33

OTMAR ODUBER NO A PRESENTA DEN PARLAMENTO PA TRATA E CIERE DI WESTIN

Segun Marisol, Otmar ta malo?

E siman aki Otmar Odumber a tene tres conferencia di prensa pa e reaccionar riba e "strawberry-gate". Sinembargo ayera e tabata malo y no por a atende reunion na Parlamento tocante Westin. Net Otmar Oduber cu a priminti e trahadornan aña pasa den porta di eleccion cu no tin ningun problema, cu ningun hende ta



perde trabao. Ayera trahadornan ta wordo poni bao presion pa e hotel y e sindicato TEAM pa firma nan pakete y bay. Hustamente ayera cu Otmar Oduber por a haci algo pa e trahadornan, el'a keda ausente den Parlamento. Trahadornan di Westin ta sinti cu den eleccion Otmar a manipula nan y awe Otmar a defrauda nan!

Habri aña 2014 cu bo auto nobo!

cu un **Prestamo** di Banco di Caribe

- 8.0% (8.40% APR)
- Pakete di seguro atractivu
- Guia Financiero

Chens pa GANA un di e 5 regalonan fabuloso!

Pa mas informacion yama 523-2250 of
pasa cerca nos na Vondellaan 31



BANCO DI CARIBE

Banco di Caribe Aruba N.V. ta reserva e derecho di cobrar un penalty fee di 18% p.a.riba e saldo di e prestamo den caso cu e pago no wordo haci na tempo. Mester informa Banco di Caribe Aruba N.V. por escrito den caso cu kier cancela e prestamo prome cu e fecha original di vencimiento di e prestamo. E carta mester ta den poder di Banco 90 dia prome cu e fecha cu la deseja di cancela e prestamo. E 90 dia ta bal den efectoriba e dia cu Banco nobis e Carta. Den caso cu no cumpli cu e exigencia aki Banco di Caribe Aruba N.V. ta reserva e derecho di cobrar un boet di 3 luna di interes cu un minimo di Afl. 100. E promocion aki ta valido te cu fin di Januari, 2014. E interes efectivo pa prestamo personal despues di campania ta bira 12% (12.18% APR) p.a. Banco di Caribe Aruba N.V. ta reserva su derecho di aprobacion y condicionnan general lo keda aplicabel.

DEA vigilando baronnan di droga na Aruba

Informacion di fuentenan a pone nos redaccion na altura cu DEA ta na Aruba pa asina sigui stapnan di algun baron di droga. Nos a bin comprende cu Aruba ta e centro di baronnan di droga pa tene nan reunion di compra y venta y traficacion. Recientemente nan a sigui algun movecion pisa di algun baron te cu a conduci nan na un boto cu ta staciona na Renaissance Market Place, banda di e Casino di Seaport. Nos a

bin comprende cu DEA lo tabata cla pa haci algun arresto, pero lo a prefera di no haci e arresto na Aruba, mirando e embergadura di e caso. Sinembargo e boto lo a sali di Aruba y a wordo sigui pa DEA. Tin tur indicacion cu DEA lo por bay over na detencion di e zware jongensnan aki ariba lama internacional, pasobra esaki lo facilita cu nan por transporta nan pa territorio Merican, por ehempel Puerto Rico, sin tin mester di cay den ningun

sorto di wega legal cu husticia Hulandes of abogadonan cu na hopi ocasion ta sea tarda e extradiccion of te hasta ta logra convence huez pa no extradita tal sospechoso. Nos redaccion a haya te hasta nomber di e boto, pero nos no por publica esaki awor. Hecho ta cu e ultimo dianan tras di lomba, DEA ta na Aruba y ta siguiendo varios deal di baronnan cu ta deal den narcotica

Hefe di polis na Curaçao lo wordo investiga pe caso di horcamiento di Pretu

Relaciona cu e caso Wiels, hefe di polis di Curaçao Wernet lo wordo investiga un vez mas. Dia 13 di December a bolbe instala un otro comision pa investiga e hefe di polis. Tur costa draai cu riba dia di asesinato di Wiels, aparentemente tin cierto tap di telefon cu ta compromete e hefe di polis. No solamente esey, pero tambe den e morto di Pretu den warda di polis, unda cu e lo a horca su curpa, tin declaracionnan di hefe di polis cu ta contradictorio, o sea e ta contradeci su mes.

E hefe di polis aki a wordo suspendi. E siman aki el'a bay corte pa asina e por wordo poni bek na trabao. Su abogado mr. Fortin a bisa cu Gobierno a hiba un defensa cu e no por bay traha bek awor, pasobra mester warda resultado di e di dos investigacion. Mi entrastanto cu e caso ta bao investigacion, e ta creando duda cu e hefe di polis lo por tabata sa algo riba e asesinato di Wiels y ta sigui relacione cu declaracionnan contradictorio.

**Speelschool
Magic World
Day Care**

Nos meta ta pa ofrece un mihor cuido na mucha y prepara nan pa enfrenta kleuterschool sin miedo di un manera cu nan por tin resultado positivo.

Parti mainta nos ta tuma baby di 8 siman te cu mucha di 4 año. Y parti atardi mucha te cu 10 año.

**Situa na Sabana Grandi 9D
Telefon: 585-4787 of 733-0927**

BETICO DAY BINGO
WIN UP TO
AFL 5500 - CASH!

SATURDAY, JAN. 25, 2014
BINGO STARTS AT 4PM

- 9 GAMES plus the Powerball
- Increase your chances to win 2X PROGRESSIVE POWERBALL
- Buy 3 bingo cards & receive the 4th for \$4
- Buy a stamp for \$2 for a chance to DOUBLE YOUR PRIZES

DOOR PRIZES, SNACK CRYOYO,
CAHA DI ORGEL, LIVE BAND,
SPIN & WIN & PLINKO!

WIN UP TO AFL 5500 - IN CASH PRIZES FULL CARD STARTS
AT AFL 3600 CASH!

AFL 12,- Bingo Card

AFL 1000,- Florins Play Plinko Party from 6pm & 7PM

Management reserves the right to change or cancel promotions at their discretion. Must be 18 years of age or older.
Must be a member of the Trop Advantage Club to participate. Play responsibly www.gamblersanonymous.org.



J.E. IRAUSQUIN BLVD. 248
Aruba, Dutch Caribbean
troparuba.com

**POEMA DEDICA
NA NOS
LIBERTADOR**

**GILBERTO
FRANÇOIS
BETICO CROES**

Un solo pueblo, den union
Un bida ilumina
Na man di Gilberto
Añanan di lucha
Pa libertad di un pueblo
Speranza grandi
Den nomber di Betico

Un dia e tabata na bida
Un dia e' la muri
Awor nos ta den espera
Di e dia di tur tempo
E no ta un fantasia
E ta un realidad di bida
Pa ta un Libertador
Di faam Croes

E campana ta zonando
E campana ta anunciando
E berdad di tur tempo
Ariba e isla di Aruba

E meta ta alcanza
E vision ta cumpli
E logro di e Libertador
Como nos salvador

Beticol E gran speranza
Di su pueblo,
Simbolonan di
Union, paz y libertad

Gilberto! Honesto, leal y
intachable
Un persona carismatico
Humilde pa su pueblo
Croes! Politico di taya
Ningun pa compara cu'ne
Como tata di su pueblo
Cielo lo habri, anunciando
Un biahá mas
Gilberto François Betico
Croes Por fin! E espera a
termina
Melinda Adeline Wouter
23 di Januari 2014

Awe abogado Wix lo entrega e oferta di retiro, “package” na empleadonan di Westin

Empleadonan di Riu a haya promesa cu nan mag transfer pa Westin

Incertidumbre ta sigui na Westin Hotel. Awe te dia cu abogado Wix lo reparti e pakete di retiro na empleadonan. Na prome instante a pidi sindicato Team pa haci esaki pero nan a nenga. A pidi Human Resources cu tambe a nenga. No a keda e abogado otro pa e mes duna e pakete na empleadonan. Hopi empleado ta man na cabez y lomba contra muraya. Tin te hasta parehanan emplea na e hotel unda ambos lo keda sin trabao. Rumornan den Riu ta bisa cu varios empleado a pidi pa transfer y

e hotel a haci promesa cu esaki ta posibel. Paul Croes den Parlamento a duna yen di declaracion fofo y ta mustra cu Paul ta nobato y no por atende e situacion. Otmar a bira malo despues cu caso strawberry a sali y desenmascar'e pisa. Awe empleadonan di Westin lo waak ta kico e oferta ta pa djey nan pensa si nan lo acepte si of no. Si nan no acept'e, nan lo keda den servicio te ora nan termina e acuerdo laboral na huez.



“Feliz Dia di Bélico”


Aruba ta mi isla. Aruba Bank ta mi banco.

www.arubabank.com

Arubabank®
understands



KOFFIE MORGEN DIA DI BETICO



LUGAR CEDE DI MEP SANTA CRUZ
ORA 10:00 AM - 1:00 PM
CUSHINA BON SURTI
BOLO THEE KOFFIE & REFRESCO GRATIS

FELIS DIA DI BETICO

[f /MEPofficial](#)
WWW.MEP.AW

Organisa pa Forza Femenino Grace

meP



Pabien na nos Pueblo di Aruba

Celebrando Dia di Betico



Visit us at
www.setar.aw

E di 56 Grammy Awards via CBS canal 16

Diadomingo proximo dia 26 di Januari 2014 pa 9'or di anochi



E gran anochi di e di 56 Grammy Awards lo tuma lugar diadomingo 26 di Januari 2014 na Staples Center, Los Angeles. Lo transmiti e evento na television via CBS canal 16 cuminsando pa 9:00 pm. E Grammy Awards ta pa tur fanatico como tambe amante di musica, e oportunidad anual di disfruta di algun presentacion di artista nan mas renombra y grandi di e industria. Durante e anochi aki nan lo presenta "live" demostrando nan talento unico na e evento di mas renombra den e industria musical. En corto loke cu bo por spera di e anochi di e 56 Grammy Awards: E conocido rapper LL Cool J lo host pa e di 56 Grammy Awards (esaki ta su di 3 añia consecutivo). Puramente den estilo Grammy Awards, tin un sin fin di colaboracion interesante entre e artistanan pa e show di e 56 Grammy Awards. Incluyendo presentacion di rapper Kendrick Lamar, grupo di rock Imagine Dragons, Robin Thick hunto cu Chicago

y presentacion di Metallica huento cu embahador di China Lang Lang. Tambe ta bay tin presentacion di Daft Punk, cu lo colabora cu Stevie Wonder, Pharrell Williams y Nile Rodgers, como tambe Pink y Nate Ruess of Fun. E final di e transmision lo conta cu presentacion di Nine Inch Nails huento cu Queens Of The Stone Age, Dave Grohl y Buckingham. Ademas Taylor Swift, Lorde, Katy Perry, Paul McCartney, Hunter Hayes, Gary Clark Jr. como tambe Mackelmore y Ryan Lewis lo subi escenario durante e anochi di Grammy Awards. Y sin duda alguno e presentacion di Beyonce y Jay-Z, cual mas rumor a genera desde cu Beyonce a lansa su album na December 2013. Esnan cu ta presenta y entrega premio Grammy na e ganadornan di e anochi aki ta entre otro Marc Anthony, Gloria Estefan, Alicia Keys, Bruno Mars y Miguel, Zac Brown, Anna Faris, Jamie Foxx, Juanes, Steven Tyler y mucho mas.

'Si mi cai na caminda, gara e Bandera y sigi cu e lucha,
laga e Bandera di Aruba inspirabo den bo lucha
diario pa hiba nos pais padilanti.'

FELIS DIA DI BETICO

[/MEPofficial](#)
WWW.MEP.AW

meP

"Si mi cai na caminda, gara e bandera y sigui cu e lucha."

"Gilberto François 'Betico' Croes, 1938-1986"

Felis Dia Di Betico

ennia *Feel secure!* NIBanc NATIONAL INVESTMENT BANK

FRACCION DI MEP:

MINISTER PAUL CROES A BISA CU WESTIN NO POR RETIRA NINGUN TRAHADOR



Parlamento riba peticion di fraccion di MEP a trata e tema di ciere di Westin den un reunion. Segun e minister no tin ningun espacio den leynan laboral pa Westin kita e trahadornan di trabao y tampoco por forza nan tuma un pakete di retiro. Westin por ofrece nan pakete solamente riba base voluntario y e trahador ta totalmente liber den accepta of no. Si e trahador no accepta, Westin NO por retira e trahador, pasobra gobierno lo no duna permiso di retiro. Minister Paul Croes a declara esaki dilanti tur parlamentario y mediador di gobierno y director di departamento di labor. Lider di fraccion di AVP a briya cu su ausencia, mescos cu minister di turismo. Probablemente nan tin preocupacionnan di otro indole na nan cabez, of no tin interes den e problematica di Westin. MEP ta hopi contento di scucha e minister bisa esaki, ta locual nos tabata kier a scucha. Nos tabata sa caba cu legalmente e trahadornan no por wordo kita, sinembargo ta bon pa scucha cu Minister di Labor tambe ta pensa asina. Locual ta di lamenta

ta cu pueblo no por a scucha e reunion, pa asina nan mes por scucha cu basicamente no tin motibo pa panico. Trahadornan mester para firme cu nan no ta acepta e pakete y gobierno y Parlamento ta sostene nan MEP a insisti pa e reunion bay publico, sinembargo e presidente di Parlamento a nenga esaki categoricamente, scondiendo tras di detayenan tecnico di e reglamento di orden. Pa transparencia no tin motibo di sconde tras di nada. Si e gobierno aki kier ta transparente, nan ta busca un forma pa ta transparente. Trahadornan di Westin decepciona mester a bandona Parlamento pasobra nan no a wordo permiti pa sigui e reunion. Nan no ta comprende dicon Marisol Lopez-Tromp por a trata nan asina malo. Sinembargo parlamentarionan di MEP lo pidi un otro reunion y exigi cu esaki bay publico mas pronto posibel. Minister Paul Croes a bisa cu gustosamente e ta bin Parlamento den un reunion publico pa duna mas informacion publicamente.

SAC ta informa riba ruta nobo carnaval 60 Cambio di ruta Parada di San Nicolas



Stichting Arubaanse Carnaval SAC a anuncia algun cambio pa loke ta e ruta di carnaval 60 na San Nicolas. Tecla Kelly, Presidente di SAC a duna di conoce cu teniendo na cuenta cu durante carnaval 50 y 55, cabez y rabo di e parada a topa otro locual a crea problema na final, a dicidi di bin cu algun cambio. Kelly a indica cu e aña aki a traha riba tempran riba e aspectonan aki pa asina tur cos por ta regla na tempo. El'a sigui bisa cu e ruta ta bay

ta for di Elmar bayendo pa e rotonde di FTA. E number di e grupo lo wordo marca arriba caya pa asina tur hende sa unda nan tin cu para. Banda di esaki el'a agrega cu e cabez lo sali dilanti di Elmar pa bay zuid, den Van Speyk straat y sigui bay direccion di Gallo Rojo te yega na e rotonde di ex - Texas. Unvez cu yega eynan e ruta ta bay bira normal. Aki ta sigui bay pa B. Van de Veen Zeppenveldstraat, Grensweg, Lagoweg, pasa tras di pomp di

gasolin di Essoville y despues di Macro (ex - Kong Ming/Wan Booy), ta lora bay abao completamente. E "Pae cabez cu e rabo topa otro no ta bay ta asina facil pasobra si bo wak bon, un vez cu e cabez yega Joe Laveist Ballpark y ainda si acaso e rabo ta saliendo anto e ora nos lo subi Weg Sero Preto bay arriba", asina Tecla Kelly a informa. Esnan cu ta bay carnaval por usa e cayanan door di Brazil bay Caya Jose Geerman. Ya caba for di FTA e trafico no por bay arriba. Si acaso cu mester di mas espacio lo sigui bay abao di e rotonde. Te cu awor esaki ta e setup cu ta bay tin pa loke ta trata e ruta di e parada San Nicolas. Ta pidi e gruponan pa yega na tempo pa asina tene cuenta cu e salidanan y pa no haya complicacion ora cu cera e cayanan, e presidente di SAC a enfatiza.

Felis dia di Beticó

"SI MI CAI NA CAMINDA,
GARA E BANDERA
Y SIGUI CU E LUCHA".

Beticó Croes



Parlamentario di MEP, sr. Dangui Oduber :

Pueblo sintiendo efectonan di e medidanan den nan cartera!

E promer termino di Gabinete Eman 1 a caracteriza su mes pa un sin fin di fiamento di placa y hincamiento di pais Aruba den un debe astronomico. Den apenas 4 año a redobla e debe nacional di pais Aruba. Nan a introduci un cantidad di medida riba e sector turistico y awe e sector aki a tambe a cuminsa sinti e efectonan. AHATA a manda un carta pa gobierno bisando nan cu e medida nan a cuminsa afecta e sector aki grandemente. No solamente e sector aki ta sintiendo e efectonan pero awor henter e pueblo di Aruba ta sintiendo nan.

Manera cu Gabinete Eman 2 a sinta, sabiendo e desaster financiero cu pais Aruba ta aden, nan a scoge pa resolve tur nan problemanan, hincando man den saco di pueblo. Awor ta e pueblo lo bay wordo sacrificia pa soluciona tur e problema financieronan cu pais Aruba



ta aden. E promer decision di e gobierno aki tabata pa pone pueblo traha mas, paga mas y entrega mas. Nan a aumenta e prima di AOV cu 1%, pone e pueblo traha te cu 65 año y pone nan entrega mas di 110.000 florin. E di 2 decision tabata pa bay fia 175 miyon florin na un interes di 6.5%. Aña a habri y ya caba nos ta hayando señalnan di pueblo cu gobierno a ahusta e tarifa di loonbelasting pasobra hopi hende a

cobra menos placa e luna aki. No solamente gobierno a aumenta e prima di AOV pero awor a scoge pa bay cobra mas loonbelasting tambe. Cu e decisionnan aki gobierno ta scoge pa bay hinca man directo den cartera di pueblo y pone e pueblo paga pa resolve nan problema nan financiero. E belastingnan aki ta belasting directo, es decir promer cu e ciudadano cobra ya caba gobierno a pasa man pa e placa. Nos

a alerta e pueblo aki di e medida nan cu tabata na caminda y awe tur hende ta sintiendo esaki den nan cartera. Segun gobierno nos economia ta creciendo. Si esaki ta e caso pakico e no ta traduci su mes den un aumento di entrada pa gobierno. Al contrario, nos por a constata cu entradanan ta bahando y esaki ta duna un indicacion cu tin un desempleo creciente. E director di Camara di Comercio a duna di conoce cu e entrada di loonbelasting a baha y esaki kier meen cu tin menos hende trahando actualmente na Aruba. E esencia ta cu gobierno ta pretende cu cosnan ta bon na Aruba, cu e economia ta creciendo anto di otro banda entrada nan ta bahando y desempleo ta creciendo. Ki bal nos tin un infrastructura di 5 strea manera gobierno ta bisa y e cartera di nos pueblo ta di 1 strea. E ser humano no ta central den e maneho di e gobierno aki. Gobierno a scoge pa bai

fia placa y hinca esaki den infrastructura lubidando e ser humano. E pueblo aki ta pasando den momentonan dificil y dia pa dia ta birando mas pober. Cu e medida nan cu e gobierno aki ta imponiendo e clase media di Aruba poco poco ta bay desaparece.

Lamentable ta cu esaki ta simplemente e comienzo pasobra ya caba nos a scucha cu e siguiente medida ta un aumento di e prima di AZV. Gobierno kier bin cu parkeer meters tambe den caya cual ta otro medida. Nan kier bin cu wegen-belasting tambe. Esaki ta algun di e serie di medidanan cu tin den e planning di gobierno pa haya placa pa resolve nan problemanan financiero. Tristo den tur esaki ningun dia gobierno a menciona cu nan ta bay reduci nan gastonan. Mientras entradanan ta bahando, gobierno su gastonan si ta subiendo.

MADURO HEAVY EQUIPMENT N.V.

**Santo pa Basha, Santo pa Pleister,
Crushed Sand, Piedra, Tera pa Mata,
Graniet. Tambe nos ta Rosa Tereno, Coba Pos y Fundeshi.**

ROOI BOSAL 49
TEL.: 585-1708
FAX.: 585-6299



Blush
Beauty Salon & Boutique
SITUA NA SANTA CRUZ 36

NOW OPEN

MONDAY TO SATURDAY
10AM TO 6PM

FOR MORE INFO & APPOINTMENT 585-3323

INTRODUCTION RATE
MENS HAIRCUT - AFLS.20,-
LADIES - AFLS.25,- & UP

FOR ALL YOUR SALONS NEEDS, BE @BLUSH BY Kassandra

IPA ta tene su charla comunitario encuento Calypso na Aruba



Musica di Calypso a hunga un rol hopi grandi den e historia di Caribe Ingles como un di e maneranan principal pa documenta acontecimiento na un forma oral. Tambe Calypso ta conoci como "The Voice of the Poor" y "The Voice of the Oppressed". Tin un preocupacion grandi bao di algun grupo den nos comunidad cu Calypso ta muriendo. Hasta tin ta bisa "Calypso dead already"! Diarazon dia 29 di Januari 2014 Instituto Pedagogico Arubano (IPA) y su Centro di Investigacion y Desaroyo di Enseñanza (CIDE) lo tene un Charla Comunitario titula: Calypso na Aruba. Durante e encuentro aki ta bay tin presentacion di drs. Gregory Richardson, docente y investigador riba tereno di cultura di Caribe y specializa den musica. Tambe lo tin presentacion di docente y cantante di Calypso Kenny Meyers MEd (Mighty Heads). Durante e encuentro lo trata interes di Calypso y skirbimento di



calypso bao di hoben, e rol di idioma (San Nicolas Creole, English, Papiamento, multilingualismo), historia oral, Calypso y politica, Calypso vs roadmarch vs soca (kico e diferencia ta, tin un diferencia?). Na final di e presentacionnan lo bay tin oportunidad amplio pa haci pregunta y hiba discusion. IPA ta invita henter e comunidad di Aruba pa asisti e encuentro aki. Esaki ta tuma lugar: Diarazon, 29 di Januari 2014 na IPA pa 7'15or – 9'00 pm. Entrada ta Gratis. Idioma: Papiamento y Ingles.

Prioridad di minister Dowers ta pa su Departamentonan brinda pueblo e servicio cu nan merece



Minister Dowers ta enfatiza cu su Departamentonan mester duna Servivio na Pueblo. Den cuadro di e di dos termino di Gabinete Mike Eman minister Dowers ta bishitando e Departamentonan cu ta cay bao di Husticia pa un biaha mas pone su mes debidamente na altura di loke ta pasa internamente den su Departamentonan. Diarazon mainta a toca e servicio di otorga rijbewijs. Minister a haya un presentacion

bastante amplio di e hefe di departamento. Aunke aña pasa hopi cambio a wordo haci pa mehora e servicio na e departamento aki toch minister a haya cu e servicio por ta mas eficiente. Un di e problema cu minister Dowers a mira ta e filanan largo di hende cu ta wardando riba servicio. Aunke a pone bankinan den e edificio pa personanan sinta, toch tin fila te pafor di e edificio. Minister Dowers tin pensa di mas pronto cu ta posibel

pone un loket extra pa atende e publico pa asina e servicio por mehora. Tambe ta bay trata cu e compania cu a pone e sistema di computer pa haya sa di con e computernan ta cay afor cada rato y pa drecha e problema pa semper. Minister Dowers kier a gradici tur esnan cu ta traha na e departamento di Rijbewijs pa e trabaonan cu nan ta desplega y ta bay implementa e cambionan mas pronto posibel.

Stichting Parochieraad Santa Cruz

Centro "Curason Santa Cruz"

Cu rifa pa renobacion di MISA

Ta rifa un Auto BYD FO-1 y un Flatscreen



Pa solamente 5 Fls dia 18 Maart 2014, Rifa cu mester a hunga dia 22 December ultimo,

pero a postpone pa por yega na e meta stipula.

Meta ta pa drecha Misa Santa Cruz cu ya ta existi pa mas cu 150 aña.

Diasabra awor 25 Jan Dia di Betico nan lo ta na diferente punto ta bende manera:

Valero Santa Cruz, Price Mart, Mundo Nobo, Centro Curazon.

Pa mas informacion por tuma contacto cu Dora Koolman Croes na 585-7171

Polis di Bario a detene dos persona probablemente ilegal



Diahuebs polis di bario a bay asisti City - inspecteur den Ranchostraat. E problema tabata cu aparentemente tabata tin algun adicto cu tabata trata na obstaculiza e trabaonan. Na yegada di e polis di bario, el'a dos persona cu e tabata tin bistanan ariba nan. Tambe el'a reconoce un brommer

cu tabata staciona na e sitio. Di baha a detene ambos cabayero. Nan tabata keda den un cas eybanda cu tin un cantidad di hokki di palo pa biba. Niun di dos por a mustra nan papelnan. Transportwagen a yega y a transporta nan pa warda.

La Fundacion Dominicana Arubana Juan Pablo Duarte invita:

Una ofrenda floral – el 26 de enero 2014 a las 10:00 am

La Fundacion Dominicana Arubana Juan Pablo Duarte invita a toda la comunidad Dominicana a participar a la ofrenda floral en La Plaza Juan Pablo Duarte Padre de nuestra Patria.

Hora: 10:00am. "Siempre predico con su bida ejemplar para que fueramos justos, honestos, laboriosos y unidos para asi poder tener un pais feliz prospero, ademas libre e independiente, Sentencio Duarte ". Debemos tener fe absoluta en nuestro pueblo y poseer la conviccion de que, apesar de su defecto, tiene cualidades que pueden convertirlo en un gran pueblo; que gobernarse con acierto, pueda llegar a ser el dueño de su propio destino" J.P.D.

VIVA EL 201 ANIVERSARIO DEL NATALICIO DEL PADRE DE LA PATRIA!.

VIVA REPUBLICA DOMINICANA LIBRE E INDEPENDIENTE! VIVA ARUBA Y SU LIBERTADOR BETICO CROES!

Banco di Seguro Social Aruba SVb ta desea henter pueblo di Aruba



un Feliz Dia di Betico

Prome encuentro cu Team Aruba pa KYP 2014

Minister Michelle Hooyboer - Winklaar a cera conoci cu e seleccionadonan



Manera a informa siman pasa, e team cu lo representa Aruba durante e Kingdom Youth Parliament, cu a wordo organiza pa celebra e 200 año di existencia di Reino Hulandes tabata tin su primer encuentro cu Minister Hooyboer - Winklaar. E mandatario encarga cu Enseñanza, Minister Michelle Hooyboer - Winklaar kende a wordo selecciona como coach pa e team Aruba, a invita e seleccionadonan pa un bishita na Bestuurskantoor y asina aki introduci su mes oficialmente na esnan cu ta forma parti di Team Aruba. "Mi a keda impresiona con entusiasma e muchanan ta pa e evento aki. Casi niun di nan tabata conoce otro te cu e encuentro aki y ya por mira con nan tabata palabra kico tur nan mester bay haci hundo, como un

team, pa asina nan ta bon prepara pa ta e isla mihor representa na St. Maarten", e mandatario a declara. "Nan ta pura pa cuminsa cu e trainingnan cu nos tin plania". Pa segura cu e muchanan tin suficiente tempo y ta full concentra pa e preparacionnan pa e evento aki, a opta pa warda nan caba cu nan tentamen y tambe pa e temporada di Carnaval pasa. Dus nos lo cuminsa e prome siman di Februari. Esey lo duna nos 2 luna completo pa train y guia e muchanan pa e debate. Hopi di nan tin experiencia caba pero nos mester segura cu nos ta bon informa kico tur a y ta pasando na Aruba riba diferente topico. Tambe ta hopi bon pa sa kico ta pasando na e otro islanan pa asina nos por compara y intercambia informacion cu e otro teamnan.

PLINKO

PARTY

**PLINKO YOUR WAY TO CASH & TROP FREE PLAY!
EARN & ENTER STARTING JANUARY 1**

DRAWINGS EVERY HOUR 8PM - 11PM
FRIDAYS AND SATURDAYS IN JANUARY

Earn entries all January long and you could play PLINKO to win a share of **5,000 FLORINS IN CASH AND TROP PLAY!** Each Advantage Club member gets one free entry for all 6 drawings, too. Sweet, right?! Plus, get more entries with every 25 points earned. Better yet, one lucky player will win up to **1,000 FLORINS CASH** at 11:30PM via Hot Seat Drawing!

Rules & regulations are specific to play the PLINKO contest. Prize information is available at the Trop Club & Casino. Must be 18 years of age.

J.E. IRAUSQUIN BLVD. 248
Aruba, Dutch Caribbean
troparuba.com

TROP
CLUB & CASINO

TROPICANA ENTERTAINMENT CASINOS | TROPICANACASINOS.COM



Dia di Betico

25 di Januari

Auto-Determinacion

1. E acto of derecho di un persona di por dicidi pa su mes kico pa haci, sin influencia externo.
2. E derecho di un pueblo pa por dicidi su propio status politico of forma di gobernacion.

G.F. Betico Croes

1. Arubiano.
2. Lider di lucha pa Aruba su Status Aparte den Reino Hulandes.

Caribbean Mercantile Bank N.V. ta desea pueblo di Aruba un feliz **Dia di Betico**.



CMB

CARIBBEAN MERCANTILE BANK N.V.

TRASH BY RONCHI CU E ULTIMO TENDENCIANAN DI MODA PA HENDE HOMBER !

Camouflage jeans, tanks y t-shirts, bermuda y e piezanan di moda mas hot di temporada.




E temporada pa causa impacto na actividadnan di Carnaval a jega. TRASH BY RONCHI ta presenta e tendencianan mas "hot" pa hende homber. Fuera di e TRASHYTHEES cu ta causa furor e boutique tambe tin items di jeans, tanks, y tambe tshirts pa

causa impacto. E uso di camouflage of colornan blau, cora, y blanco sigur ta un tendencia admirable di temporada. Tambe e shorts of bermuda den jeans of twill tambe ta un item di moda hopi notable pa e inicio di 2014. Camisanan di cuadra

(yama plaid) ta un "fashion item" cu sigur ta hunga un importante rol pa 2014. E "hoodies" den diferente color y cu stripes ta trece e elemento "urban" den e look pa e hende homber cu estilo.

Cargo pants of shorts tambe ta un pieza di moda cu ta wordo mira hopi e temporada aki y e boutique tin esakinan den tur estilo y color. TRASH

BY RONCHI situa na Sibelius Straat # 8 ta habri di 10'or di mainta te 7'or di atardi di Dialuna pa Diasabra.



Dia di Betico

Awe nos ta recorda e lucha y logro di nos gran Estadista.



PLUS
accountants

SETAR

AVISO

En conexion cu celebracion di Dia di Betico SETAR ta informa cu tur Teleshop y SETAR Store lo ta sera pa publico:
diasabra 25 di januari 2014

Servicionan di Call Center y Telekiosk Airport ta keda habri normalmente.

Nos disculpa pa cualquier inconveniencia.

SETAR ta desea henter e pueblo di Aruba un felis Dia di Betico

Den Volleyball Escolar di Enseñansa Basico organisa pa IBiSA:

Commandeur Pieter Boer School ta clasifica pa sector San Nicolaas



Deporte Escolar ta continua riba calendario di actividad escolar y a cuminsa cu e competencia di volleyball pa schoolnan di enseñansa basico. Diamars dia 21 di januari 2014 a tuma lugar den gymzaal di Prinses Christina School e weganan di volleyball pa sector San Nicolaas. Schoolnan cu a participa y a hunga nan weganan tabata, Commandeur Pieter Boer School, Colegio Sagrado Curason y Sint Paulus School.

E prome wega tabata

entre Commandeur Pieter Boer School y Colegio Sagrado Curason. Den un wega emocionante di ambos banda y cu cada punto bon bringa te na ultimo, e school ganador a resulta Commandeur Pieter Boer School. Den dos set cu scorenan di 25-10 y 25-27, pa un total di 50 punto, Commandeur Pieter Boer School ta clasifica na prome lugar lagando e di dos lugar pa Colegio Sagrado Curason cu ta finalisa cu 27 punto.

Di otro banda, for di trempen Sint Paulus

School ta yama y cancela su participacion y esaki automaticamente ta haci cu el a ked'afó di e competencia escolar pa sector San Nicolaas.

IBiSA ta felicita e schoolnan cu a participa

pa sector San Nicolaas y a clasifica, sperando awor clasificacion di otro sectornan pa e competencia final di volleyball nacional. E school ganador den volleyball escolar Enseñansa Basico mucha

muher y mucha homber, ta haya e honor pa representa Aruba den e competencia 'Interinsular 2014' cu e aña aki ta tuma lugar na isla di Boneiro dianan 21, 22 y 23 di maart proximo.



ESTRELLA A CLASIFICA PA ENFRENTE RCA DEN FINAL COPA BETICO CROES 2014




Diarazon anochi den Stadion Guillermo Prospero Trinidad Estrella a gana di Riverplate cu score di 3-1 pa asina por enfrenta RCA den final Copa Betico Croes 2014. Riverplate ta un ekipo cu a progres a bastante y ta bini di gana La Fama y a duna Estrella basta dolor di cabez. E prome minuutnan Estrella tabata

den atake na unda Albeiro ta los e prome tiro pa GOL na di 7 minuut. Riverplate tambe formando su contra atake pa Hodge tira ariba gol pero demasiado halto. Otro tiro di Dwayne di Estrella pa gol pero tambe demasiado halto. Reinier cu mal pase pa e bala yega cerca Carlos Quandt di Riverplate cu ta los pa gol na unda portero Carlos

Geerman ta luci y ta gara e bala. Na di 24 minuut Ricky Hodge ta cobra un tiro liber cu ta yega cerca Carlos Quandt despues cu Carlos Geerman no por a gara e bala y Quandt ta score. Estrella ta buscando e gol di empate. Gutierrez ta haci un cruce for di ala derecho pero Albeiro net no ta yega. Na di 59 minuut Pancho Croes ta logra empata ora

portero Riverplate no ta gara e bala bon. Na di 72 minuut Raven ta cobra un tiro liber pero malisimo na banda. Hungadornan ta tene bala mucho y no ta ricibi asistencia tampoco. Na di 82 minuut di dos gol di Estrella ta cay door di combinacion entre Raven y Baromeo pa Raven score 2-1. Gutierrez ta los un tiro duro pero portero

Jermin Lacle di Riverplate ta logra manda corner. Na di 84 minuut Anuar Kock ta logra anota e tercer gol pa Estrella despues cu e bala di corner a yega cerca dje. Cu e victoria aki Estrella lo enfrenta RCA diasabra awor pa 8.00 pm pa campeon y subcampeon mientras Riverplate lo bay contra Britannia pa di 3 y 4 lugar pa 6.00 pm.



DIA DI BETICO
Street Legal
@ Palo Marga International
Raceway Park
25
7or di an

Categorianan:
Street Legal Auto
Street Legal Brommer
Scooter y Quadracers

Boss Racing Foundation

Dia di Betico
Awe nos ta recorda
e lucha y logro
di nos gran Estadista.




PUEBLO A HAÑA SU PEN BEK

Pa kualquier informacion
solodipueblo@gmail.com
of
☎ 585-9500

Aruba Softball Bond ta recorda Training pa seleccion Masculino ta continua diadomingo awor

Aruba Softball Bond ta habri aña 2014 cu diferente actividad. Entreotro e les di softball escolar a continua mientras ASB mescos tur otro federacion ta enespera di minister di deporte pa mira kiko ta e subsidie cu nan lo recibi pa cu nan multiple programan deportivo y asina ASB por ranca sali cu su Campeonato femenino 2014 cual tabata programa pa inicia 19 di Januari ultimo. Mesun momento tin un seleccion pre-masculino cu a wordo jama desde final di November kendenan a organisa un Bingo pa asina cuminsa recauda fondo cu e intencion serio di representa Aruba den weganan clasificatorio di Centro Americano y del Caribe cual lo tuma lugar final di April na Cali Colombia. E promer 6 paisnan cu clasifica lo drenta Juegos Pan Americano y del Caribe cual lo tuma lugar na Vera Cruz Mexico den luna di November 2014. Aruba Softball Bond kier recorda tur hungadornan di pre seleccion cu diadomingo awor pa 10 or di mainta training ta continua riba veld di Rockets na Sta Cruz. Ban sigi traha duro pa Aruba por ta bon representa. Be there!!!!

Serlimar ta informa **Stortplaats Parkietenbos y Gavilan cera riba Dia di Betico**

En conexion cu Dia di Betico, gerencia di SERLIMAR ta avisa tur negoshi y e publico en general, di e siguiente adaptacion: Tanto e Weegbrug y e containerpark na Parkietenbos como stortplaats Gavilan lo ta cera riba diasabra, 25 di Januari. Lo asumi operacionnan atrobe riba diadomingo 26 di Januari. Alavez, e servicio di recoge bestia morto lo wordo asumi riba diasabra 26 di Januari, mirando cu dia 25 di Januari tur nos servicionan lo ta cera. Serlimar ta desea comunidad di Aruba un feliz Dia di Betico. Pa mas informacion, comunica libremente na 584 - 5080.

tempo
Flexible MANPOWER

Nos libertador
E arquitecto y
realizador di nos
Status Aparte
Pabien Aruba!

